



Vogošća, ul. Jošanička, br. 80; tel: 00387 33 586 413, fax: 586 418

Broj: 03-24-1703/18
Vogošća, 31.10.2018. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 31.10.2018. godine donio je

**ODLUKU
O IZBORU NAJPOVOLJNIJEG PONUĐAČA ZA NABAVKU STOČNE HRANE (JEČMENO
STOČNO BRAŠNO), U CILJU PODRŠKE STOČARSTVU NA PODRUČJU OPĆINE VOGOŠĆA**

Član 1.

Ponuda ponuđača "Tabakovići" d.o.o. Sarajevo, ulica Nova cesta broj 75. Semizovac, odabrana je za nabavku stočne hrane (ječmeno stočno brašno), u cilju podrške stočarstvu na području općine Vogošća, kao jedina pristigla ponuda, sa ukupnom cijenom nabavke u iznosu od 18.000,00 KM bez uračunatog PDV-a, odnosno 21.060,00 KM sa uračunatim PDV-om.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 15.10.2018. godine donio Odluku o pokretanju postupka Konkurentskog zahtjeva za dostavu ponuda za nabavku stočne hrane (ječmeno stočno brašno), u cilju podrške stočarstvu na području općine Vogošća, zajedno sa objavljivanjem obavještenja o nabavci i tenderske dokumentacije na Portalu javnih nabavki BiH dana 16.10.2018. godine pod brojem: 1353-7-1-121-3-72/18.

Tendersku dokumentaciju sa Portala javnih nabavki BiH je preuzelo 7 (sedam) ponuđača. Krajnji rok za dostavu ponuda bio je 29.10.2018. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 29.10.2018. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve Ugovornog organa u Tenderskoj dokumentaciji broj: 03-24-1703/18 iz oktobra 2018. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljena jedna ponuda, i to ponuđača "Tabakovići" d.o.o. Sarajevo, broj int. knjige 267/18, sa ponuđenom ukupnom cijenom nabavke u iznosu od 18.000,00 KM bez uračunatog PDV-a.

Detaljnim postupkom pregleda i ocjene ponude, Komisija za javne nabavke je utvrdila da Ponuda ponuđača "Tabakovići" d.o.o. Sarajevo ispunjava formalno-pravne uslove, odnosno zahtjeve Ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela ponude ponuđača "Tabakovići" d.o.o. Sarajevo, te je izvršena računsa provjera dostavljene ponude i utvrđeno da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Tabakovići" d.o.o. Sarajevo, za nabavku stočne hrane (ječmeno stočno brašno), u cilju podrške stočarstvu na području općine Vogošća, kao jedine pristigle ponude, sa ukupnom cijenom nabavke u iznosu od 18.000,00 KM bez uračunatog PDV-a, odnosno 21.060,00 KM sa uračunatim PDV-om.


Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od pet dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

- 1 "Tabakovići" d.o.o. Sarajevo
2. Nadležnoj Službi
3. U dosije
4. a/a

033/424-501

OPĆINSKI NAČELNIK


Edin Smajlić